

佛說稱揚諸佛功德經卷上

【元魏天竺三藏吉迦夜譯】

喃謨世尊阿闍如來【誦七遍或二十一遍】【2022/1/17】

Namo bhagavate akṣobhyāya tathāgatāya arhate samyak-saṃbuddhāya.

不空摩尼供養妙喜世界阿闍如來真言【誦七遍】

Om, amogha maṇi pūjā mantra pra-sava vi-kurvite, samanta abhi-ratim akṣobhya tathāgata viṣayam ā-bharaṇa gandha-sugandha maṇi-ratna gandha-puṣpa pra-varṣaṇa svāhā.

經文：

復次，舍利弗！東方去此眾德世界，度千佛刹，有世界名曰妙喜，其國有佛，號曰阿闍如來、應供、正遍知、明行足、善逝、世間解、無上士、調御丈夫、天人師、佛、世尊，度人無量。其有得聞阿闍如來名號者，執持諷誦，歎說其德，復勸他人令學諷誦，其人獲得無量功德。

爾時波旬將四種兵來詣佛所，而作是語：寧使執持餘千佛名，亦勸他人令使學之，不使執持阿闍佛名。其有執持阿闍如來名號者，我終不能毀壞其人無上道心；但我能毀壞其他眾生無上道心。

佛問魔言：汝能毀壞誰之道心？

魔曰：其有求大乘、執持阿闍如來名者，我心則生憂愁、熱惱。如我今日復得熱惱，因聞阿闍如來名故！

魔復言曰：復有眾生，其數甚多，執持餘佛名號者，我或能毀壞其人正覺道心。

佛告魔言：汝莫愁憂、懷於惱結，汝終不能毀壞此等執持餘佛名號者無上道心！

魔波旬言：何以故？

佛告魔曰：汝為隱蔽歸命諸佛功德之行。所以者何？阿闍如來自當觀視擁護其人。

時舍利弗即白佛言：波旬今日於如來前，云何欲作師子吼，破壞眾生正覺道心？其有眾生執持阿闍如來名者，及餘一切諸佛名者，魔審當能毀壞其人正覺道心乎？

佛告舍利弗：我今觀諸眾生，其有執持諸佛名者，若有人呵罵誹謗者，斯人則為造大惡行，獲無量罪，死墮阿鼻地獄，具受眾苦。（阿鼻地獄-avīci-無間地獄）

舍利弗言：有誹謗經者，其數幾許？

佛言：十方諸佛，為諸眾生廣說法時，皆先讚歎阿闍如來名號功德，眾生聽聞其功德者，終無厭足，若有眾生得見如來，聞其功德，未曾有能謗此經者；諸佛如來，不於五濁弊惡之時興出於世，如我今者，於此忍界下劣叢殘諸眾生中而作佛也。阿闍佛國嚴淨妙好，終不爾也！舍利弗！當知斯尊法輪，隨次分布丘聚國邑，若族姓男、族姓女，一心信行，當廣宣傳此諸經法。舍利弗！當知聞此經者，誹謗輕毀所受之報，汝今諦聽！

舍利弗言：如是世尊！吾當諦聽。

佛言：犍陀梨國謗此經者滿百千人，造斯惡行，當墮阿鼻大泥犁中；復次，北方國名罽賓，其國經法興盛久住，而此國中五百千人謗此經法，此眾生輩死墮阿鼻大泥犁中。舍利弗！於眾聚中，當有共謗此經者，有八萬人死墮阿鼻大泥犁中。東方少有信斯經者，多造阿鼻泥犁行，有百千人死入阿鼻大泥犁中；南方二百千人當謗此經，死入阿鼻大泥犁中；西方有百萬人當謗斯經，死墮阿鼻大泥犁中。舍利弗！當知緣覺智慧不能度量如來之智，況諸聲聞及諸眾生未得道果，為生死水所漂流者，欲測度如來智慧功德，未之有也！夫點慧者當自思惟：諸佛功德不可限量，諸佛智慧不可思議，諸佛已成一切種智，三達無闕，而我癡冥無有是智，諸佛已成一切智者，自當知之我所不了。若我不了，不當謗毀四句一偈，何況謗毀斯大尊經，造斯大罪，眾惡行聚，無央數劫，當在阿鼻大泥犁中，於彼止宿。是故舍利弗！若族姓男、族姓女，當作是意：我今得聞此大尊經而不誹謗，乃却阿鼻一劫之罪，我等今當自慶歡喜，興大踊躍，緣此之故，無央數劫，當與此大法共俱。

阿鼻大泥犁--avīci-mahā-niraya--無間大地獄.

公元 2022/1/17 日馬來西亞萬撓佛教會蔡文端翻譯及修正版。

萬撓佛教會網站：<http://www.dharanipitaka.com/>